



Pengenalan

Carrier membeli bekalan dan perkhidmatan atas dasar merit, berusaha mendapatkan nilai terbaik dan hubungan perniagaan yang mantap dengan pembekal. Memberi hadiah perniagaan adalah perkara biasa dan mungkin hanya merupakan keinginan untuk membina rasa muhibah. Walau bagaimanapun, Carrier mempunyai dasar terhad berhubung dengan penerimaan hadiah perniagaan oleh pekerjaanya yang mempunyai tanggungjawab pembelian langsung. Keputusan pembelian mestilah tidak dipengaruhi oleh konflik kepentingan dan mestilah tidak dicemari sekalipun oleh penampakan konflik kepentingan.

Pencabulan dasar Carrier tentang hadiah perniagaan dipandang berat – hadiah perniagaan yang bertujuan untuk membina rasa muhibah sebaliknya boleh menyebabkan pekerja Carrier dibuang kerja dan pembekal dikeluarkan daripada senarai sumber yang diluluskan Carrier. Halaman berikut bertujuan untuk memberi anda panduan sebagai pembekal atau bakal pembekal kepada Carrier (termasuk subsidiari dan syarikat gabungan; bagi rujukan mudah, halaman ini menggunakan "Carrier" secara menyeluruh).

Peraturan Am Carrier tentang Hadiah Perniagaan

Pekerja Carrier tidak boleh meminta apa-apa hadiah, hiburan, atau gratuiti lain.

Pekerja Carrier tidak boleh menerima hadiah, hiburan, atau gratuiti lain daripada sesiapa yang berusaha mendapatkan kontrak dengan atau pembelian oleh Carrier (dalam apa sahaja bentuk termasuk pesanan belian atau pembelian menggunakan kad kredit), selain daripada tanda budi bahasa perniagaan lazim yang munasabah dari segi kekerapan dan nilai.

Pekerja Carrier yang mempunyai tanggungjawab pembelian langsung, termasuk pekerja dalam jabatan pembelian dan pekerja yang juga dilantik untuk menjalankan fungsi pembelian, boleh menerima hanya (a) minuman, snek ringan dan makanan perniagaan yang dihidangkan semasa pertemuan perniagaan yang diadakan di kemudahan pembekal, (b) hidangan perniagaan apabila dalam status perjalanan, (c) barangan promosi atau pengiklanan yang mempunyai nilai yang benar-benar nominal, seperti topi atau pad tulis, dan (d) apaapa hadiah perniagaan atau barang bernilai lain jika dilaporkan kepada dan diluluskan secara bertulis oleh Pegawai Etika & Pematuhan unit pelaporan ataupun oleh Naib Presiden, Pematuhan Carrier.

Peraturan ini bertujuan untuk mengehadkan. Selain daripada peraturan "huruf hitam" ini, pembekal mesti mengelakkan daripada menawarkan atau memberi hadiah perniagaan kepada mana-mana pekerja Carrier yang boleh kelihatan salah. Sekiranya anda mempunyai soalan berkenaan dasar Carrier tentang hadiah, hubungi Pejabat Etika & Pematuhan Global Carrier di CarrierHQ_Compliance@carrier.com.



Apakah Definisi Carrier bagi “Hadiah Perniagaan”?

“Hadiah perniagaan” ialah apa-apa yang bernilai yang diberikan ekoran hubungan perniagaan, di mana pihak penerima tidak membayar nilai pasaran yang adil. Hadiah perniagaan boleh didapati dalam apa-apa bentuk – misalnya, makan malam di restoran atau kelab, tiket ke teater, diskaun yang tidak boleh didapati oleh orang ramai, atau objek seni.

Siapakah “pembekal”?

Perkataan “pembekal” bertujuan secara meluas merangkumi sesiapa yang mempunyai kontrak, pesanan belian, kontrak perkhidmatan, ataupun perjanjian atau pengaturan lain bagi pembelian oleh Carrier (termasuk pembelian menggunakan kad kredit). “Bakal pembekal” ialah, sudah tentunya, sesiapa yang cuba mendapatkan perniagaan daripada Carrier.

Bagaimanakah saya tahu pekerja Carrier yang mana mempunyai “tanggungjawab pembelian langsung”?

Pekerja yang mempunyai “tanggungjawab pembelian langsung” termasuk kesemua pekerja dalam jabatan pembelian, seperti pembeli. Ia juga termasuk pekerja lain yang dilantik oleh unit operasi. Pelantikan tambahan boleh termasuk, misalnya, pekerja yang menjadi wakil jaminan mutu pembekal, pekerja yang bertanggungjawab bagi pemilihan sumber, atau pekerja yang dibenarkan untuk membuat pembelian menggunakan kad kredit.

Hadiah kepada Ahli Keluarga Pekerja Carrier

Carrier menganggap hadiah kepada pasangan atau ahli keluarga yang lain sebagai hadiah perniagaan sekiranya ia didorong oleh atau berkaitan dengan hubungan perniagaan. Hadiah sedemikian tertakluk kepada dasar Carrier dalam cara yang sama sebagaimana hadiah perniagaan yang lain.

Persahabatan Peribadi atau Hubungan Keluarga

Carrier mengakui bahawa hadiah boleh didorong oleh persahabatan peribadi atau hubungan keluarga, lebih daripada perniagaan. Sesetengah hadiah ternyata adalah hadiah perniagaan – apa-apa hadiah yang ditolak bagi tujuan cukai ataupun yang dibayar atau dibayar balik oleh entiti perniagaan jelas adalah hadiah perniagaan. Sesetengah hadiah jelas didorong oleh hubungan keluarga – hadiah perkahwinan dengan nilai yang berpatutan kepada seorang kakak atau ahli keluarga terdekat yang lain sudah tentu wajar. Namun, menilai dorongan dan ciri “persahabatan” dalam keadaan yang lain adalah sukar dan tidak menyelesaikan semua yang terlibat. Oleh kerana “apa yang kelihatan pada mata umum” adalah penting dan oleh kerana kesesuaian sesuatu hadiah akan dinilai dengan manfaat pengalaman yang lalu, Carrier menggesa perasaan terkawal dalam



pemberian semua hadiah dan dengan tegas tidak menggalakkan semua hadiah atas dasar persahabatan peribadi.

Hadiah Semasa Musim Percutian

Walaupun musim percutian merupakan masa tradisional bagi pertukaran hadiah, tidak ada pengecualian dalam dasar Carrier yang akan membenarkan penerimaan hadiah. Carrier menggalakkan pertukaran kad percutian tetapi ia menentang apa-apa jenis hadiah percutian kepada manamana pekerja daripada pembekal. Sekiranya hadiah percutian diterima daripada pembekal, Carrier secara rutin memulangkan hadiah itu atau mendermakannya kepada badan amal.

Implikasi Kontrak Kerajaan

Entiti Carrier mempunyai banyak kontrak langsung dan tidak langsung dengan Kerajaan Amerika Syarikat sering melalui salah satu perantara jualan pihak ketiga kami. Selain daripada dasar Carrier, sesuatu bayaran, hadiah, atau barang bernilai yang lain daripada subkontraktor, vendor, atau pembekal kepada kontraktor kerajaan pada peringkat yang lebih tinggi, apabila diberikan bagi tujuan mendapatkan atau memberikan ganjaran atas layanan teristimewa secara tidak wajar ("sogokan") adalah pencabulan jenayah.

Bantuan bagi Pembekal sekiranya Pekerja Carrier Meminta Wang atau Hadiah

Carrier melarang pekerjaanya daripada meminta hadiah dari mana-mana pembekal atau bakal pembekal. Sekiranya pekerja Carrier meminta wang atau apa-apa hadiah lain, hubungi Pejabat Etika & Pematuhan Global Carrier di CarrierHQ_Compliance@carrier.com atau, jika anda lebih suka untuk menghubungi Carrier tanpa nama, anda boleh menggunakan Program Pelaporan Tanpa Nama kami. Maklumat mengenai Program ini boleh didapati di laman web Carrier di <https://corporate.carrier.com/reporting>. Jangan bersetuju, jangan tersilap membuat kesimpulan bahawa itu adalah rutin dan boleh diterima.

Anda akan dianggap bertanggungjawab, dan akibatnya mungkin buruk.